

**GOUVERNEMENT DE LA
REPUBLIQUE DU VANUATU**

**Autorité de Régulation
des Services Publics du Vanuatu
Ministère des Finances
et de la Gestion Economique**
Sac Postal Privé 9093, Port Vila Vanuatu
Tél : (678) 29795 / 23335 / 23521
Fax : (678) 27426



Website: www.ura.gov.vu

**GOVERNMENT OF THE
REPUBLIC OF VANUATU**

**Utilities Regulatory Authority
of Vanuatu
Ministry of Finance and
Economic Management**
Private Mail Bag 9093, Port Vila Vanuatu
Tel: (678) 29795 / 23335 / 23521
Fax: (678) 27426

Notis i go long niuspepa: 19 Novemba 2010

URA hemi wantem luksave apoenmen blong Pernix Group, Inc. olsem niufala kampani we bambae hemi saplaem laet long Luganville

Utilities Regulatory Authority (URA) hemi wantem kongratuletem Kavman blong Vanuatu long desijen we hemi tekem blong apoenem Pernix Group, Inc. olsem niufala kampani we i winem kontrak blong saplaem laet long Luganville.

URA hemi wantem talem welkam mo gudlak long Pernix long gudfala apoenmen blong hem olsem niufala kampani we bambae hemi saplaem laet long Luganville.

URA bambae hemi gohed iet blong wok tugeta wetem UNELCO mo Pernix blong meksua se evisamting i ron gud long saed blong pasem wok long wan kampani i go long narafala kampani mo blong meksua se laet i stap oltaem.

Stat long namba 1 Jenuware 2011 bambae URA hemi aplaem ol niufala praes blong laet we oli kamaot long desijen blong hem laswan long manis Mei 2010 (*Electricity Tariff Final Decision May 2010*). Bigfala pat blong desijen ia hemi blong daonem praes blong laet long 49% long ol famle we oli yusum smol nomo (ino bitim 60 kWh long wan wan manis). Desijen blong URA long saed blong praes i blong gat wan niufala stampa praes we i stap long VT 47.17. Hemia i minem se plante long ol man we oli gat laet long Luganville bambae oli lukim se praes i go daon samwea long 6.80%, mekem se ol man we oli laef long Luganville oli save gat laet we i sef, i stap oltaem mo long wan praes we ol man oli save pem.

URA bambae hemi givhan long tufala kampani UNELCO mo Pernix blong mekem ol plan blong olgeta blong spenem mane, olsem blong leftemap namba blong ol man we oli gat laet, impruvum operesen blong olketa mo ol seves we i go long ol kastoma truaot long Vanuatu, oli save kamtru. Fasin blong mekem se wan kampani i stanap agensem narawan long maket blong laet bambae i minem se ol seves we i go long ol kastoma oli gud oltaem mo stap long wan praes we ol man oli

save pem, mo tu hemi save helpem tingting blong Kavman blong leftemap developmen mo gru blong ikonomi.

Blong meksua se hemi save kasem gol blong hem mo leftemap namba blong ol man we oli gat seves blong laet long kantri, URA bambae hemi wok klosap wetem Ministri blong Graon blong Najerol Risos mo semtaem tu wetem ol kampani we oli ofarem ol seves ia blong lukaot gud ol intres blong ol pipol long Vanuatu long ol yia we mbae oli kam.

###

Contact Information

Website: www.ura.gov.vu

Phone: (678) 23335 Fax: (678) 23087

Email: jracine@vanuatu.gov.vu

Address: Vanuatu National Provident Fund Building, Ground Floor.

Postal address: PMB 9093 Port Vila VANUATU

Toktok igo long bos blong pepa

Long saed blong URA

Oli stanemap URA folem loa we hemi Utilities Regulatory Authority Act No.11 blong 2007.

Hemi indipenden long Kavman mo wok blong hem hemi blong meksua se igat wota mo laet oltaem we i sef mo praes blong hem ino sas.

Hemi stap lukluk long ol kampani we oli gat kontrak blong saplaem laet long Port Vila, Luganville, Tanna mo Malekula. Hemi tokbaot ol praes blong stretem folem ol rul we istap long ol kontrak naoia, hemi dil wetem ol komplem blong ol kastoma mo advaesem Kavman.

Long saed blong Pernix Group, Inc.

Pernix Group, Inc. hemi wan kampani blong Amerika we hemi wok long saed blong laet mo bildim ol samting. Hemi wok tu long Not mo Saot Pasifik, olsem long Fiji we hemi ranem mo lukaotem ol masin blong 78 MW blong pawa blong Fiji Electricity Authority anda wan kontrak blong 20 yia. Pernix hemi bin winem tu kontrak blong bildim niufala Embasi blong US long Suva, Fiji. Bambae oli finisim projek ia long manis Jenuware 2011.

Long saed blong UNELCO

Kampani UNELCO Vanuatu Limited hemi pat blong GDF Suez. Hemwan nomo hemi gat kontrak blong ranem mo saplaem laet long Port Vila, Luganville (go kasem namba 31 Disemba 2010), Malekula mo Tanna. Hemi stap long Vanuatu sinis 1939.

